

TURIDE

- Glesie di Sant Martin e cjampanili (*cn° 63 e n° 46*)
- Fieste dai cais (*n° 13*)

GLESIE DI SANT MARTIN E CJAMPANILI DI TURIDE

Lis primis notiziis siguris su Turide lis cjatin tune bole di pape Urban III dal 1186 - 87, là che si dīs che la Plēf “de Ripis”, identificade cun Turide, e jere sot de diocesi di Conguardie.

La sielte dal Patron dal Paîs, sant Martin, un sant no roman ma di riunde barbariche, e dīs che la int che e viveve in chel sît in chê volte e veve chê origjin.

Tor de glesie di Turide al jere un piçul simitieri. Tal 1692 une grande montane dal Tiliment e sdrumà di plante fûr la glesie di sant Martin e dut il paîs che in chê volte al jere pe plui part tal jet dal flum. Cjasis e glesie a forin logâts intun puest plui sigûr. Dopo dal 1920 si tacà a batî lis fondis dal cjampanili di cumò e si cjatà creps e bilisiis di fatece paleoslave (IX-X secul), cumò in custodie tal Museu longobart di Cividât.

FIESTE DAL PATRON, SANT MARTIN – FIESTE DAL RINGRAZIAMENT

La fieste da sant patron, Martin vescul, si le fâs ai undis di Novembar. In cheste zornade si benedissin i prodots de tiere.

Ogni an, vie pe fieste, si clame une bande e dopo de benedizion di cjars e tratôrs si cjatisi ducj tal asîl par un rinfresc.

Une volte, intant de fieste, cui che al podeve al ufrive vin, farine e vueli.

SAGRE DAI CAIS

La sagre dai cais si le fâs tal mês di Jugn.

E je la sagre dal paîs, organizade de pro loco di Turide. Tai prins agns si le faseve tal curtil des scuelis elementârs di une volte, cumò si le fâs tal parc dal Tiliment.

E je la piste par balâ (breâr) e tancj barachins. Si cuei i cais, la cueste, la luanie, il poleç e vie indenant. Ogni sere e sune une orchestre e si pues balâ.